



Argazki Rallya

Gai honekin zerikusia duten arloak

- GIZARTE ZIENTZIAK.
- PLASTIKA ETA IKUS-HEZKUNTZA.

HELBURUA

- Auzoaren alderdi positiboak eta negatiboak baloratzea eta horien gaineko erakusketa bat prestatzea.

MATERIALAK

- ◆ Argazki kamera bat lau ikasleko talde bakoitzeko.
- ◆ Muralak egiteko kartulinak.
- ◆ Margoak eta errotuladoreak.

Jardueraren garapena

Herri edo auzoa behar beste zatitan banatuko dugu, ikasleak lau-ko taldeetan antolaturik. Talde bakoitzak ibilbide bat prestatu beharko du dagokion zatian; horretarako, bertan ageri diren elementuak identifikatu eta argazkiak egingo ditu. Taldeak eta zereginak banatu baino lehen, komeni da hiriari buruzko honako alderdi hauetaz mintzatzea: materialen irteerak eta sarrerak, aisialdia pasatzeko aukerak, bizi-kalitatea, komunikabideak, giza harremanak, inguru fisikoa, ingurumen inpaktuak, azpiegiturak, garraiobideak, pertzepzio estetikoak eta zentzumenezkoak (arteak, kultura, koloreak, usainak, soinuak...).

Geroago, talde bakoitzak mural batean itsatsiko ditu egin dituen argazkiak; horien bidez, alde bate-tik, hiriari buruz hartu duten inpresioa edo iritzia adieraziko dute eta, bestetik, beraren alderdi negatiboak salatuko dituzte.

Azkenik, erakusketa bat antolatu-tuko dugu mural guztiekin (ikas-tetxeko sarreran ipini ahal dugu).

Gustukoa duguna



Salatu nahi duguna

